

槐野先生存笱稿

槐野先生存笥稿卷之三十五

左輔王維楨著 館甥渭上南師仲編

七言律詩五十九首

贈張憲使之閩中 以下北署稿

贈蔡使君守衡州

送晁太史使梁次董太史韻

除夜與親者飲用韻

次韻答用均太史

春日邀諸同好登毘廬閣和尹崇基韻

五月五日寺集

夏日同教純之尹崇基二太史劉道卿客部朱
士南憲使郊寺讌集會大雷雨是時朱得除
督閩中學怯暑滯行余爲紀述二首

六月三日作

夏日李氏山亭餞閻文甫之金陵卽用其韻

贈閻文甫司成之南都

贈吳氏視南都翰林

立秋

秋夜呂信卿胡穉美周祖義枉過對月二首
贈秦太史使徽藩便道歸越

贈朱太史使楚藩

張給諫將使侯藩尋復留行孫司成爲賦詩余

和之

朱象玄太史使楚尋復留行次閔翰長韻

元日

八日飲汪戶部宅次韻

功德寺遊眺

宿碧雲寺偕同遊諸子

西溪亭上次劉太守韻二首

以下家居稿

移山潭同舒大行游讌用韻

次劉太守登移山韻

萊公祠送江從之用杜工部望嶽韻

至家貽京邑同好次韻

北窓

送柯元卿自秦移鎮河南

五日和唐臣戶部韻

和應午謝子華陰雨中望嶽見懷之作

夏日東氏園亭讌集和世鳴張叅伯韻

村南晚望口號

淇門留別周給事潤夫

以下行役稿

寧山寺

原州鎮西樓制府劉公讌集用韻二首

原州魚池秋泛用王宮諭韻二首

王母宮次曹可宗韻

旅館獨坐

臨潼初度

冬日同王宮諭曲江鴈塔和韻二首

王喬洞和趙孟靜韻

登鷄鳴山寺

以下留院稿

和大宗伯王公至日見贈之作二首

大司寇顧公以請告勉留作詩自紀因和答之
人日廬通政宅宴集用韻

春寒

南中立春

烏龍潭上亭子和壁韻

宴烏龍潭上朱氏亭子次韻

登清涼寺後山次韻

贈仲榮葛子守河南郡

七言律詩

贈張憲使之閩中

閩疆萬里盡東南漢使宣威促去驂
臘雪剡門寒尚積早春江柳色先含
山猿見節移深樹水怪驚戈徒別潭
若到越王臺上望皇朝無外海同涵

贈蔡使君守衡州

楚鄉春至卽炎風去馬遙衝歸塞鴻
媚客柳條臨路待到官蠻谷爲君通
獄形倒看清湘水桂樹高攀赤帝宮
聞說五峰峰並峭何當詞賦與爭雄

送晁太史使梁次董太史韻

負琴前驅日漸舒當朝使者果誰如
春風花柳穿行騎盟誓山河有制書
豫土天中元大國梁臺世遠只

存
卷三
殘墟流傳好賦千秋在今日何人著子虛

除夜與親者飲用韻

愁深客久意難舒
坐看君曹漸不如
守歲傳觴吾後
得頌椒強與夜先書
欲移珠斗臨秦塞
將起春雲抱漢墟
歲歲故鄉歸未得
慚驚弱羽亦凌虛

次韻答用均太史

敢向明時論卷舒
天衢獨步果難如
九重空愧金門詔
雙管真憐太史書
歲月鬚毛吾入老
斗牛劍氣爾衝墟
故廬西嶽三峰下
思跨茅龍上太虛

春日邀諸同好登毘廬閣和尹崇基韻

我向君曹意不疏，芳時嘉約可教虛。便從淨界看花放，已得春風隔夜噓。歡劇共拚樓上醉，悲來偏濕檻邊裾。天涯游子秦川客，翹首西雲片片舒。

五月五日寺集

令節今朝逢五日，東林呼侶且持樽。野氛新暑臨筵劇，宮扇親臣拜賜繁。製出上方躡寶月，傳宣中使促金門。十年待詔吾恒在，不會何時奉主恩。

夏日同教純之尹崇基二太史劉道卿客部朱士南憲使郊寺譚集會大雷雨是時朱得除督閩中學怯暑滯行余爲紀述二首

市遠林深暑自微，城居六月旅遊稀。
能驅汗馬臨中野，共坐空堂敞北扉。
過院雲霞看屢變，趁時雷雨罷仍飛。
人間萬事誰堪問，但醉醞醑莫遽歸。

其二

江行六月苦炎蒸，有客停桡滯五陵。
匣劍囊琴愁獨卧，佛樓禪塔喜同登。
雷轟舍利朱光落，雨颭罽毼紫
鴿騰。轉眼清秋南棹促，三山佳興共誰乘。

六月三日作

西山硤兀與天參，湖水城隅碧浪涵。
風起湯池威轉放，雲來炎郭毒逾含。
虛傳吹黍名燕谷，實有蒸波類

漢南華嶽高寒清渭肅故鄉回首欲抽簪

夏日李氏山亭餞閻文雨之金陵卽用其韻

此日此亭情大劇濃花錦石惜離群人間岐路消青
髮天際長江渺白雲桂棹知從南浦入蓮歌合遣北
書聞秋風苦憶今遊地楊柳飄蕭葉早紛

贈閻文雨司成之南都

建康郭裏秦淮水宛入橋門匯璧池歲起蛟龍喧霹
靂朝來雲氣散淋漓渚芹岸藥行相映日閣星軒坐
不移固信傳經蕃弟子亦知戀主費瞻思

贈吳氏視南都翰林

一自文皇遷鼎後留都省寺尚初衙詞垣未許荒
榛入詔視常緘墨勅斜書閣時來天外岫秋江君
泛斗邊楂莫言到日間能得聖蹟推尋渺未涯

立秋

閏夏逢秋氣自淒風城吹葉遍沙堤紅顏鏡裏能怕
駐寶劍天涯亦暫攜螢動虬潛悲此日山青雲白憶
吾棲勲名老去終何有野望行歌好杖藜

秋夜呂信卿胡穉美周祖義枉過對月二首

今宵冠蓋忽填戶十載京華只索居才薄敢言時輩
奔興來聊與故人舒秋城吹角聲偏壯月院看星影

自疎已報殘更促車馬尚呼餘酒立躊躇

其二

好月長安共此亭涼秋夜氣滅飛螢光中樓閣瞻俱
出醉裏乾坤忌獨醒喜有酒船須中聖愧無玄草與
談經明朝太史應占奏紫極宮西客聚星

贈秦太史使徽藩便道歸越

千里桐圭將帝命萬年嵩嶽擅名邦過時諸縣春
除道館處三花曉映窓漢使孫弘元第一吳賓季札
本無雙皇心遠役真憐汝未許迴橈滯越江

贈朱太史使楚藩

枚生詞賦游梁日司馬車徒使蜀年千古風流今再
見九重 恩命許誰宣出都恰值青春伴入郢應歌
白雪篇况是楚王能愛客醴觴日日爲君傳

張給諫將使侯藩尋復留行孫司成爲賦詩余
和之

聖帝千官重論思五更朝罷散 彤墀開函自理匡
時疏向夕仍修入殿儀梁苑鳧池元獨勝淮王鴻寶
亦多竒孤楂臨泛情空切九漢今羈眷可知

朱象玄太史使楚尋復留行次閱翰長韻

君才已脫囊中尖猶說翻經日下幬忽憶楚山輕道

路因辭芸閣戀深巖春歸花底朝仍見夢到湖南覺
自嫌極識王孫饒逸興空教澤草綠纖纖

元日

陽回此日逢元會城雪融融苑變霞萬里越裳班
闕下九重春色到天涯委庭煙珮俱沾柳退食椒盤
自頌花秬恐和風吹草綠早邀胡馬度邊沙

人日飲汪戶部宅次韻

秦園回首千山隔楚塞牽心萬里長氣早湘衡抽暖
渚春遲雍柳勒寒塘酒杯今聚聊同醉霄漢年來耻
並翔懷土依依不歸去秬綠 明主是虞唐

功德寺遊眺

勅寺百年湖水濱
渚花汀柳尚秋芬
花迎鳳輦聞前事
柳引龍舟想瑞雲
馳道逶迤還鷺嶺
行宮寂寞下鷗群
太平遊幸仍今主
波上重看五色氛

宿碧雲寺偕同遊諸子

秋深處處皆搖落
入寺松陰鬱未稀
斜日鶴歸寒共宿
上方僧定夜相依
爲談夢幻嗟人世
却望雲霞滿帝畿
匡濟于今公等在
吾茲擬結碧山扉

西溪亭上次劉太守韻二首

代遠空尋高士跡
橫泉亂石自成文
狎吟鷗鷺蘄寒

吹動興笙歌駐暮雲四海詩名誰落落千年蹊徑轉
紛紛九原如起司功老野水輕桡欲共群

其二

溪光寒浸千峰影霞氣霄蒸五色文上客有懷惟對
酒孤亭無主但流雲沙鷗野鷺看還下水管風簫聽
正紛不用登臨深慷慨勝遊天地幾同群

移山潭同舒大行游譙用韻

山空暫住青霄節波霽光推碧簾文幾度笙歌喧極
浦百年踪跡嘆浮雲狎人鷗鷺飛還下驚吹魚龍靜
又紛况是三峰晴對眼馮高真欲去人群

次劉太守登移山韻

碧水蒼山佳氣浮不將搖落浪悲秋
參差臺殿千峰會迤邐川原一望收
野曠煙霞饒逸興天清花鳥破深愁
登臨未盡層巖志悵望丹梯思正悠

萊公祠送江從之用杜工部望嶽韻

祠古風煙鬱抱尊遶欄叢竹儼諸孫
座依臺殿淹南節代想勲名羨北門
黠虜年來誰秉鑰香醪花外對傾盆
知君詞賦如泉盛弔古無辭一倒源

至家貽京邑同好次韻

饌魚親捧自河隈盤筍深從春谷來
徐庶辭劉心始

慰王陽游蜀馭初回家筵自賦南山什旅宴曾陪北
海楮豈卽貪歡忘故侶時于夢寐覓群才

北窓

憶在京華今五月炎雲赤日意難降朝迴汗馬愁相
逼闕望仙盤屹自雙消渴馬卿辭石室避喧漢父戀
滄江休言簪筆還中秘已足風林卧北窓

送柯元卿自秦移鎮河南

年來烽火徹秦關募士徵兵不暫間地重祗須馮異
守節移難借寇恂還旌旗龍避三河水斧鉞花迎二
室山梁國舊傳多俠客知君定訪夷門間

五日和唐臣戶部韻

榴院呼朋記昔遊佳辰今到興全休
愁多無那霜侵鬢
臥獨空憐酒送籌
車馬十年人北滯
少狂幾日水東流
欲憑絲縷添長壽
只向滄浪老釣舟

和應午謝子華陰雨中望獄見懷之作

一從塌翼下青雲
十載江湖袂忍分
中夜清標勞夢寐
東來佳氣望氤氳
隘途泥阻秦關馬
名獄雨留謝眺文
借問雲臺臺畔宿
鸞簫能得幾回聞

夏日東氏園亭讌集和世鳴張叅伯韻

山亭五月暑猶微
永日雲林蔭石扉
海內冠裳今酒

共塵中車馬後游稀直須解珮深拚醉便欲移家竟
息機九漢扶搏公等事獨憐歸翼下斜暉

村南晚望口號

車馬喧喧走帝鄉廿年逐祿背吾莊舊游野徑悲
歌裏今望沙田浦激傍報主豈能忘社稷謀生終
爾藉糟糠情牽去住渾難定竝立東林見月光

淇門留別周給事潤夫

共銜丹詔下雲端千里追隨興渺漫岐路煙花牽
別緒離筵歌管駐征鞍風催漢節三湘遠春向秦關
獨客寒此去相思何處寫前程華月擬同看

不
言
禾
卷
三
三
二
寧山寺

山除勝集神仙侶野色晴看錦繡文松老天風巢鶴
鶴塔高霽日鎖煙雲回廊四起笙歌滿峭壁千重木
葉紛莫把昏鍾促歸騎天涯明發又離群

原州鎮西樓制府劉公讌集用韻二首

天清塞閣敞秋筵木落山空殺氣先千里登臨吾慷
慨萬年疆宇此嗾咽雲移沙磧邊烽靜日閃旌旗海
色連老將論兵渾不懈酒中猶欲弄龍泉

其二

危樓真倚白雲間霧堞陰陰合萬山地險胡塵空絕

漠天遙漢壘接重關柝前劍罷笙歌起塞上年來虎
豹間壯觀平生今更幾坐升海月不知還

原州魚池秋泛用王宮論韻二首

碧池空濶浸樓臺錦纜浮游鏡裏回放興蕪葭深住
槩快人簫鼓漫傳柝旌旗倒映龍蛇動關塞遙看鴈
鷺來莫報鯨波催避岸座中今有濟川才

其二

夜深燈火燦池臺歌管留懽未擬回十里煙花雙放
舸百年天地幾銜柝入波星斗帆前動鷺吹鳧鷺島
上來笑指滄洲生遠興醉吟巴曲愧雄才

王母宮次曹可宗韻

山空人去自崔嵬千古追踪一上臺青鳥轉殘黃鳥
轉桃花栽後野花栽亦思身世生雙翼不用勲名動
萬雷便向危巖望仙節日斜惟見碧雲來

旅館獨坐

院靜春深晝掩扉孤琴雙劍自相依供愁花片頻吹
樹入夢鄉山忽采薇八駿誰應迴玉輦一官空自負
斑衣向來燈火成何事悵望遙天歸鴈飛

臨潼初度

辛丑仲冬月二日吾今三十五年過漫將車馬驅塵

海豈有文章艷綺羅
冉冉松雲依閣度
輝輝梅日傍人
和他鄉杯酒難成醉
策杖驪山望故阿

冬日同王宮諭曲江鴈塔和韻二首

江上白雲四望來
江頭鸛鶴亂徘徊
荒臺廢苑憐今到
珂馬宮袍憶昔才
野迥風高悲塞笛
吟深日落嗅
鼎梅爲依佳侶
淹歸興徒倚南樓望斗台

其二

野寺蒼茫有客來
野塘無主客徘徊
乘風齊上青蓮界
覓句終慚白雪才
溪午林疎時見鹿
月明香細但聞梅
豪華消歇悲前代
共祝昇平禮上台

王喬洞和趙孟靜韻

穹岩密霧釀春寒
澗草蹊桃錦作團
往事祗餘孤洞水
世人空製萬年棺
簫樓罷吹雲還駐
鶯樹交啼午未闌
卽向峰頭尋勝覽
始驚日月跳雙丸

登鷄鳴山寺

石城曲抱萬家窰
西轉岩巖忽此山
地接時浮躡庸氣
江遙晴指闔龍灣
世移梁武還蕭寺
僧住空林却帝關
須信客遊憑覽勝
非因禮佛故躋攀

和大宗伯王公至日見贈之作二首

天涯此日逢長至
踏閣登臺喜欲狂
閣望卿雲浮

帝闕臺憐梅樹發山莊思將嘉瑞頻書史傳有新詩
忽到堂陽長如翁還並進吾歸擬被芟荷裳

其二

毛生逐衆元非贅賈子憂時却類狂千古高名吾愧
汝百年舊業水連莊陽回泉動堪垂釣身遠梅開自
照堂強欲不歸終未補太平 天子本垂裳

大司寇顧公以請告勉留作詩自紀因和答之
由來報 主不知身老念丘園叩 紫宸遂有 絲
綸催受印虛令猿鶴待歸人丹心詎逐頭顱改白眼
頻看世事新共道于公能種德高門駟馬預須論

人日盧通政宅宴集用韻

他鄉節序偏愁客，趁侶樽壘且任狂。
花柳山中從自發，乾坤醉裏卽吾莊。
虛勞淹興深投轄，爲愛聞歌不下堂。
忽憶關山征戍者，塞遙春阻一沾裳。

春寒

春日寒多疑北斗，柳癡梅凍詫南邦。
亦知天意高難問，可那愁心鬱未降。
欲起蛟龍翻閉窟，將飛鴻鴈却依江。
暖風何日吹冰破，思泛東溟蕩槳雙。

南中立春

此日江南作薊北，天涯逐處寄行蹤。
自憐奔走頻銷

骨幸值春風忽蕩胸應節吳宮花欲放違時燕塞雲
猶封未聞吹黍驅寒散悵望遙天意轉重

烏龍潭上亭子和壁韻

潭上真人跡不微釣時常見五雲飛至今龍去波仍
淥傳有珠遺岸故輝春動龜鼉愁尚徙向來妖孽計
全非孤亭落日空吟望萬里河山一鐵衣

宴烏龍潭上朱氏亭子次韻

故鄉此日香啼鶯楚水秦山萬里程旅食魂驚時屢
改春潭客到思俱清避人孤鷺惟依渚競賞千花故
傍檻酒罷空庭還獨立中天滿月照人明

登清涼寺後山次韻

山危風急寒難住，延賞要賓合有亭。
面面巖雲看總白，淒淒厓柳待誰青。
改筵空宇生春色，聽法今朝悟性靈。
日暮踟躕非戀酒，自憐衰鬢漸如星。

贈仲榮葛子守河南郡

此日憐君始剖符，廿年世事幾榮枯。
驚心險路容真改，得郡賢聲望不孤。
撫字朝廷虛上考，封疆天地據中衢。
只今臘盡行春促，新水急江好放鱸。

槐野先生存笥稿卷之三十五

槐野先生存笥稿卷之三十六

左輔王維楨著 館甥渭上南師仲編

五言排律七首

瓊翰流輝樓二十一韻 以下北署稿

忠弼堂二十韻

贈別胡中望給事二十九韻

送別吳曰靜宮贊省觀十二韻

嵩鶴老人六十壽八韻

送侯大叅赴山東右轄十四韻 以下家居稿

壽張德徵侍御封公四十韻

七言排律二首

贈吳曰靜學士之南都次內閣韻
以下北署稿

五言排律

瓊翰流輝樓二十一韻

聖帝撫皇輿兢兢念不疎
頻徵萬世策屢下十行書
謀鉅關元化憂深至里閭
周王金屬旦衛國獨賢遽
睿異蒙求我謙將問起予
箴來光自絢誦罷氣還餘
鼎鼐期調燮攬槍計掃除
密章綸細出雄藻翰橫舒
歲月龍綃積江天貝閣虛
非同八詠建欲取百籤儲

瑞日明珠拱祥煙閉綺疏形成疑翡翠執峻等匡廬
網拒穿簷雀芸防蠹字魚華囊裁錦繡玉匣剖璠璣
虞典安天下義文啟治初永存沙變海長曜斗臨墟
鄴氏藏充棟張華載滿車誰云伊可羨須信此難居
余也生金徼歛來濫石渠才微慚授簡質散類遺樗
強擬高樓作大夫謝不如

忠弼堂二十韻

傳說明殷道蕭何翊漢圖從容宣室對密勿合宮謨
髮以憂時白肝如抱日朱遂令歌帝德無復論兵
符甲第營南紀君王眷老儒費多分少府家就擬

蓬壺地改齊卿舊門高于氏俱風庭交畫戟奎翰映
雕櫺驕本沃心定恩緣許國敷榮褒踰一字壯觀走
千夫地擅山川勝星分牛斗區時時湧雲霧耿耿照
江湖豈不牽清夢其如奉紫樞廟堂憑柱石栖息阻
粉榆漫爲龍開沼虛因鳳植梧徑應蘭蕙積林任鶴
猿呼在昔潛環堵寂寥守一隅草玄名燁赫衣白志
唐虞開闕今如此輝光古所無豈如原憲陋一室竟
榛蕪

贈別胡中望給事二十九韻

已猶勞半刺吾爲撫吾膺飄泊須言命淒涼枉負能

上書客甘謫彈鋏志誰矜憶昔君初奮於時我亦徵
曹分青瑣闥寵濫金蓮燈詞客追游密 熙朝瀚海
澄無憂才盡展有道氣逾增一一文如錦人人直似
繩誰非爲赤鳳不復懼青蠅交態河趨海世途谷作
陵蹶蹄千里駿塌翅九霄鵬事去同心瘖身危烈士
懲幾年今會面四海爾良朋亦結人間舌如傷折後
肱尚憐詩俊逸祗覺念凌兢對酒悲蕪笑酣歌止又
興官踪浮未定物理反難憑榮及乘軒鶴飢歸倒臂
鷹薊亭堪更別吳舸遠還登羈子蘆中餓漁翁江上
罾屈伸千古有行邁百思疑太史周南久東方漢闕

仍狂寧甘自弃雄却媿人稱報燧頻年急擒胡幾將
曾私惟看短劔早恐至堅冰判袂情非苦聞笳憤弗
勝陰符今日事大道向來弘摘藻時應緩策勲孰可
乘羽毛長好在無慮不騫騰

送別吳曰靜宮贊省覲十二韻

今我思歸阻憐君得 詔還嶽蓮空悵望江楫下潺
湲自作東園客常瞻西楚山海雲偏墮淚宮酒只摧
顏鄉念鵲依樹朝看鷺去班采蘭行訊谷釣鯉必臨
灣懽宴時時啟鬱情去去閒門非向來倚衣有古人
斑睠此真傷臆安能共 賜環孤鴻沙葦裏萬事酒

栢間秋杪人堪別
霜殘柳亦攀
他時問踪跡
竟擬卧柴關

嵩鶴老人六十壽八韻

嵩鶴開中土
昔聞跨鶴言
詎知千載後
復有至人存
問歲甲初換
逃名道自尊
餐苓和石髓
策杖覓花源
竒樹多名玉
芳茗舊說蕃
栖遲千嶂榻
歌詠累朝恩
谷靜笙迴響
機忘鳥下軒
直看巖石爛
不計海田翻

送侯大叅赴山東右轄十四韻

策勲三十載
猶滯紫薇垣
抱玉偏難售
如桃自不言

皇王今北極赤舄且東藩去旆勾關樹征塵佇海門
蜃樓看渺渺鮒轍念元元夙望欽分陝後心慰下軒
桑麻煙外迥雨露橐中屯行步琴隨鶴觀潮弩射龜
情高吟岱頂天霽俯中原孤嶂悲秦碣一錢答漢恩
新穀凌日月久客徧乾坤 御座名應注民譽世所
尊明堂需柱石宗廟待璵璠好辨星辰履行看謁
帝閣

壽張德徵侍御封公四十韻

磊落東村老風聲震八垠千人瞻鳳鳥間代產麒麟
搃筆傾河洛乘楂上漢津世傳孫子業名策 帝家

實說劍無前烈彈絃此後身蔣公泣百里寇父借三
秦行部花盈甸開衙柳拂巾萬邦推製錦一日憶垂
綸祿網縻霜羽官池困紫鱗翻然脫組綬逝矣卧松
筠笑口時時啟折腰忽忽伸邵窩雲作侶陶徑菊爲
隣山費登臨屐谷埋朝市輪青霞變白髮蘿帶勝儒
紳豈獨丰標古還知道履醇孝能肩李閔誼可步雷
陳俗重千金諾囊周百室貧趨庭群孔鯉倚杖羨劉
晨不讓燕山桂那云謝砌珍先鳴稱柱史壯節負忠
臣驄馬西人避龍泉北虜馴文章垂瓊琰意氣兀嶙
峋四海真無敵二郎果絕倫翁今五十邁吾卜八千

春鍊骨新傳訣閒情久駐神縣弧當勝序戲絲會芳
辰葭管春催律梅尊曉泛銀早鶯來度曲野鶴解依
人冉冉群仙下番番雜吹頻風搖鼉鼓漫日耀豸袍
新紫誥開瑤匣朱顏照繡茵洪河添壽學妍唱落清
塵宅卽蓬萊窟軀同濟圃椿三溪延賀客萬口頌天
民賤子慙何執仙郎幸見親貽謀欽正學私淑捧高
論思獻南山什空瞻潁水濱餐苓術總幻跨鶴事非
真願讀長生傳時霑不老唇從今顏復壯幾見海成
叻

七言排律

贈吳曰靜學士之南都次內閣韻

聖祖開都據上游高依鍾岫俯長洲貢來萬國帆常
滿館禮諸賢意最優不獨曆歸人恰會亦緣才集政
俱脩當年風起歌真壯此日龍移鼎自留君去定應
詢故事職存端合記春秋尚聞朝暮三山外王氣葱
蔥鬱未收

贈敖純之學士之南都次內閣韻

廿年握手皆蘭蕙此別天涯各自芬余向岐塗脫寶
缺汝從六代覓遺文豪華往事東流水王氣今朝
鍾阜雲之國可能忘滅虜徵兵到處說空群離筵塞

角偏傷抱沽酒軍城只解醺行楫已遙還岸立非緣
千里獨懷君

槐野先生存笥稿卷之三十一

槐野先生存笥稿卷之三十七

左輔王維楨著 館甥渭上南師仲編

五言絕句二十首

望雨四首

北署稿

圖中小景二首

以下家居稿

病卧五首

題鶴鷄圖二首

涇河

行役稿

春意二首

以下留院稿

題項侍御雙節卷二首

題項司訓歸休卷二首

六言絕句六首

渡渭二首

家居稿

淇門用壁間韻別周潤夫給事四首

行役稿

五言絕句

望雨四首

三月已不雨四月可柰何
祗疑東海畔猶有抱冤娥

其二

堂北鳩空喚堂南風漫吹
火雲與珠淚相對共垂垂

其三

皇天不可問海水若爲傾思得八公術吸噓雲雨生

其四

昔聞子雲語至誠金石開
今皇寬量極好雨幾時
來

圖中小景二首

岸柳垂垂碧煙波曲曲流輕橈隨處着吾道滿滄洲

其二

渺渺孤舟橫娟娟孤月上何時濟川歸約爾踏青嶂

病卧五首

林棲人不見
舵句鳥應知
閑風吹獨卧
雙燕下簷窺

其二

一室大如斗炎飈五月狂不審陶彭澤何以到羲皇

其三

幽卧理禽言密林隔市喧客來時借問或恐是文園

其四

藤牀愜隱卧草閣稱幽吟怕道連霄夢趨蹌尚禁林

其五

本爲便曲寢人疑學卧龍覺來撫琴劔水霧濕溶溶

題鶴鷄圖二首

野禽雖微細知結寒士衣不學鴛鴦鳥偏登玉女機

其二

朝飛豐草西暮隱幽花左終然忌網羅化作天中火

涇河

不泛涇河棹千秋信濁涇風恬波影靜猶可鑒儀形

春意二首

春意今朝動鄉關萬里遙客心共江柳日夜絲千條

其二

江上梅初發魚龍窟未開不愁花不爛只想聽風雷

題項侍御雙節卷二首

隧栢何年有雙軀連理枝清霜十月重寒色自歲隄

其二

雨露淒心感春攀九原上可怪雙蝴蝶飛飛兩相向
題項司訓歸休卷二首

座上一羶青歸來雙鬢白請看項氏身何似趙城壁

其二

橫琴臨泮水楚月與淒清但願如期耳非要伯氏名
六言絕句

渡渭二首

雙鳥微茫天際孤舟款乃日斜凌波空憶漁叟投老
終尋釣植

其二

渺渺水天一色喧喧鷗鷺同
轂自將鼓楫登岸不用
臨流濯纓

淇門用壁間韻別周澗夫給事四首

古竹青檉遠岸春山翠繞新
屏去去秦關楚澤悠悠
月館雲亭

其二

風霧相看曉色原林到處春
荻把劔空悲別路臨流
偏繫離懷

其三

不台香
卷三十一
仙侶終然漢闕星軺暫爾郵亭竹裏征袍共碧柳邊
望眼同青

其四

河嶽千重路杳瀟湘二月鴻來到日音書早寄別時
愁怨交催

槐野先生存笥稿卷之三十七

槐野先生存笥稿卷之三十八

左輔王維楨著 館甥渭上南師仲編

七言絕句四十九首

梳粧樓

以下北署稿

題菊贈陳子母

苦熱行十首

贈墨與陳子

次韻答陳子饋筆

老將行贈孫都督二首

海印寺聽沈山人彈琴二首

問彭子疾彭子者安禪養生並自稱能於其疾也余故得嘲及之二首

贈劉令赴潮陽二首

贈王相陸氏之楚四首

贈單倅之濬縣三首

對雨

十六夜貢院作

集杜句問訊孫志高疾二首

過望兒山 以下行役稿

回山

原州教場閱武曲十二首贈制府劉公

彰德道中時聞 駕幸承天二首

七言絕句

梳粧樓

太液池東百尺臺
淡煙衰草鎖崔嵬
自來胡運百年
少浪說粧樓是甌胎

題菊贈陳子母

東園桃李芳春候
南渚芙蓉白露前
最是西風搖落
地獨憐寒藥耐霜天

苦熱行十首

五月長安熱更偏黃塵赤氣鬱相連九龍只在昆池裏何日爲霖洗碧天

其二

莫把祝融怨太驕祗緣平地有狂風吹來暑氣千門滿火谷湯池無處逃

其三

十二街頭不種槐行人何處避炎埃望中木槿空無數朝見花開暮見摧

其四

赤日煌煌愁太晴轉看天外火雲生風師不爲驅煩

暑虛逐驕霆繞鳳城

其五

海上三山寒色開丹梯何處陟崔嵬道人晝卧洪爐裏赤脚蒼崖夢往來

其六

西山窈窕卽蓬壺雪館冰巖五月無相看咫尺誰能到浪說東溟遠泛桴

其七

貴家列宴午風斜洞啟重扉不用遮此日交河防虜戍翩翩金甲度龍沙

其八

露下金盤碧玉清中官朝日進承明
君王養得千齡壽病渴詞臣空復情

其九

天子邀涼敞玉扉天風吹動紫雲衣
微臣願保躬泰帝座南頭着繡幃

其十

上古虞帝卽我君金徽一曲拊南薰
招來灑氣天中滿歌散愁祿世上聞

贈墨與陳子

陳玄本自屬君家玄到君家樂未涯背起雙龍翻硯
沿煙浮五色亂簷花

次韻答陳子饋筆

彩毫勞贈子雲家綺思玄情詎有涯持去應爲羽獵
賦簪來時拂漢宮花

老將行贈孫都督二首

十五卽騎生馬駒未能三十飽陰符誰言齒髮今非
壯引臂猶開五石弧

其二

孫子談兵故有名李家飛將慣專征形容不入麒麟

畫鬢髮空憐霜霰生

海印寺聽沈山人彈琴二首

客來繫馬東林坐院靜風回玉軫張本是猗蘭抽妙
曲令人錯意雨花香

其二

如有鶻禽翻貝閣似聞瀑水下空巒燕京四月皆知
暑那得此中白雪寒

問彭子疾彭子者安禪養生並自稱能於其疾
也余故得嘲及之二首

獨客虛堂卽淨域鶻人病骨似維摩那因得借金仙

力爲爾全驅五百魔

其二

紫霞庭院寂無喧
雙蝶遽遽繞夢魂
自是莊生潛漆室
非關司馬卧文園

贈劉令赴潮陽二首

劉子別予向潮陽
燕州九月已飛霜
尚聞海樹津津綠
更有山花處處香

其二

縣樓望海海雲生
仙島茫茫無限情
但使丹成似玉宰
那愁鳧鶴不逢迎

贈王相陸氏之楚四首

七澤澤邊楚國城
章華臺上鼓鍾聲
君王不是耽游宴
醴酒朝朝爲穆生

其二

楚苑天南暖不遲
隔年梅柳已多姿
春來花絮紛紛起
絕勝梁園雪裏時

其三

王人本性嗜幽居
竹圃鳧池信所如
即使好仙仙亦得
淮南肯發枕中書

其四

鷓鴣洲前水濛濛黃鶴樓頭四望空千載懷人堪作
賦陸機詞調本來工

贈單倅之濬縣三首

美人拜除辭欲西眼看黃綬轉含悽當年自負凌雲
翮何悟今從枳棘栖

其二

秋甸經霜菊未殘離觴泛菊駐征鞍問君何事衣裘
重明到琴堂白雪寒

其三

縣郭南連瓠子河漢家障口鎮無波只今汜濫憑誰

捷試問淇園竹若何

對雨

朝朝雲雨滿長安
歌鼓千家對酒歡
祗道沙田茂禾黍
不愁平地起波瀾

十六夜貢院作

斜光閃閃動巖扃
獨卧孤闌夢忽醒
自是夜來逢趙壁
虛疑明月照前庭

集杜句問訊孫志高疾二首

多病所須唯藥物
花枝照眼句還成
知君苦思緣詩瘦
吾輩悠悠飽飯行

其二

年過半百不稱意許身愧比雙南金形神寂寞甘心
苦日暮聊爲梁甫吟

過望兒山

雲去臺高草色斑居人爲指望兒山忽思游子千峰
裏白髮當門暮未關

回山

山回王母何年至我亦王孫此日遊鶴馭龍旌誰在
眼碧雲丹水共悠悠

原州教場閱武曲十二首贈制府劉公

柳營危據蒼山曲金甲晴環碧水頭要使狼煙空朔
漠不知兒戲控貔貅

其二

戈馬翩翩搖白野將軍嶽嶽坐朱林秋霜秋日晴相
映照見年來肘後金

其三

大將營中喧鼓角隨風吹入祁連閣祁連閣外胡兒
愁借問戍兒敵何惡

其四

雪峰照野開山谷猛氣轟雷全勝車漫說弓刀是長

技古來驕虜笑中華

其五

峭壁千重縣漢壘長垣萬里靜胡塵健兒此會休挑
戰不是要功盡閣人

其六

雕戈寒映千山雪鏑馬橫行入陣雲卽向油幢瞻氣
象座中元是霍將軍

其七

萬里煙沙百尺臺朱旗繞繞拂雲開輕車欲碾天山
破馳突先從此地來

其八

頻年不道虜塵飛
萬隊煌煌自合圍
貫落青鵬神臂
弩驍還白鴈佛郎機

其九

原州北塞起新城
結寨連營殺氣橫
爲語書生休浪
誚范老胸中百萬兵

其十

漢家麟閣倚丹青
圖畫功臣百代超
可惜當年橫白
骨爭如開府虜煙消

其十一

持纓老子據胡牀
號令風霆縛吉囊
已見甲兵雄衛
霍還知仁義壯金湯

其十二

日月勲名今岳穆
詩書家學宋劉琦
不緣走馬觀營
壘文武那知足我師

彰德道中時聞 駕幸承天二首

百道傳呼疾若雷
龍輿帟旆發仙臺
千層殿閣連雲
起萬國車騎動地來

其二

到處悲歌是苦飢
何人草奏上金扉
虛傳八駿驚千

里 天子元垂帝舜衣

魏野先生存言稿卷之三十八

槐野先生存笥稿附錄

南京國子監祭酒槐野王公行狀

賜進士及第翰林院侍讀前

國史編修

會典纂修官兼管

誥勅吳郡門人瞿景淳撰

嗚呼槐野王公之卒三年矣淳每念疇昔瞻望

西嶽輒歔歔不能止思欲一拜几前無從也今

年丁巳春公母太孺人將圖葬公乃馳一介走

京師乞銘于當世名公且屬淳編行狀顧淳誠固

陋不足以知公然公兄弟所述甚核而文參諸
吏部南君所睹記宜得其大都謹拜稽首校定
遺事公姓王氏諱維楨字允寧別號槐野陝西
華州人也其先昌平州人始祖諱伯牙者由進
士任河南憲副左遷華州稅課局大使因家焉
伯牙生處士得得生真定縣令徽處士和和生
子六人處士原其行五也原生子二人長曰載
號文菴次曰軒號質菴文菴公配劉氏以正德
丁卯十一月二日生公王氏之家華州者至公
凡六世矣世以文行相後先故遂爲關中望族

云公生而風骨峻岐文菴公督令就學甫十歲
卽善舉子業復多博習古文辭爲文疎宕爽朗
經師異之曰大王門者必此子也文菴公亦喜
其甫弱冠督學漁石唐公鳳泉王公咸以國士
期之歲辛卯舉于鄉乙未舉進士選授翰林院
庶吉士讀書中秘三閱年乃授檢討自同館咸
推讓公才後文菴公以公貴蒙

恩贈徵仕郎翰林院檢討母劉氏

封爲太孺人云公傷文菴公早世祿養不逮太孺
人復以久客京邸丁酉冬充

冊使副便道送太孺人西歸而祭文菴公墓焚黃
寫哀太孺人有女許字東生夔夔故仕族家稍
削公特厚其資嫁之仍歲時餽遺不絕以順適
母意又明年己亥公留內子東孺人侍太孺人
家居單車復

命再閱時會東孺人卒公感泣且念母獨居無侍故
肺疾浸劇具疏以請得

賜歸侍養越辛丑復奉太孺人如

京師甲辰會試爲同考官取士號多得人乙巳冬
太孺人念女積忽忽不樂時公與纂修

會典重違母意復疏

請得奉太孺人歸以丁未春還史館繹舊業逮己酉以九載考績乃晉秩爲脩撰方公以盛年登朝積勞取貴可歲月計然公欲娛太孺人每遲回家居公誠賢者知所重固不以彼易此也庚戌會試復爲同考官公發策詢士畧曰今大同邊垣旣以底績而薊州一路顧有遺謀自今作之西接宣府東抵山海爲邊千二百里使幹濟之臣戮力經營患可少止是年秋虜果自薊州入天子採群臣議特設總督大臣一人使專備遼薊其

議蓋自公發之冬十月會試武舉公爲主考官
仰天祝曰是安得狗國之人而收之以禪國用
攤卷品士必先謀識所進武弁亦多得人公燕
居好觀古今名臣經畧凡關隘阨塞備禦疎密
之詳皆能歷歷指陳不俟按圖其用世意氣立
談可知也辛亥冬

詔晉秩爲右春坊右諭德署南京翰林院事公念南
京

王業根本控江海上游宜早戒不虞每摺紳過從
輒訊兵馬錢穀之事人或以爲迂無何會倭奴

寇下江諸郡始服公先識時洛陽孫公以工部
尚書攝兵部事公馳就議事卽日協同內外守
備振揚兵威固守要害寇知有備遂遁去公謀
居多甲寅夏有

詔召還宮坊時太孺人留關中便道歸省且疏請終
養

天子不可吏部移文促公還任惶懼就道旣入
見復申前疏留中不報乙卯秋

命主順天府鄉試士類忻忻多自幸入公轂中公凡
四入試場每錄出土爭傳觀謂真班馬之匹云

時公方嚮用會太孺人遘末疾公聞報驚仆失
聲悲號寢食俱廢復披瀝

請終養久之乃晉秩爲南京國子監祭酒公謝

恩畢卽日

陛辭倍道西馳不數日過西嶽爲文虔禱請以身
代母太孺人聞公至病亦少愈是年冬關中地
大震山摧川溢城郭廬舍多傾毀民人橫罹壓
死過半而公亦不免實嘉靖乙卯十二月十三
日夜分時也悲夫悲夫傳稱天道無親惟與善
人若公之念母好爵不縻非所謂善人邪而卒

罹此曩所稱天道信邪否邪公性孝友始爲諸
生時喪文菴公哀毀骨立比旣貴每在告事仲
父質菴恭順唯諾如事文菴公與從兄弟維藩
維祺維新維厚群居怡怡友恭藹然人不知爲
從兄弟也從姪吉兆少孤貧公異其質資給就
學撫而教之甚備今爲郡學生念族蕃有貧不
能葬者割地立塋俾以昭穆次第卽葬其中歲
飢則出粟贍族有婚喪亦如之故族人多德公
云素剛直少不當意卽時貴必面折其過人或
不堪然與人交不渝終始誠意懇至迥出俗輩

里中孫通判氏居官清苦夫婦沒垂三十年其子不能葬公爲買地葬之其與人之周多類此故雖素不悅公者亦服公高義公雅意經世然優游館閣積二十餘年訖不當任故不及以功業自見時托之著述今有稿三十餘卷達人君子取而玩焉亦可識其微意之存也公先配東氏兵部車駕司郎中東君魯之女生男二曰逢春長春俱不育繼配安陽丞郭君從禮之女生女二長許舉人東君斐仲子瑛沒于室次許今吏部稽勲司主事南君軒叔子師仲側室宋氏

生男一曰京闈復聘東君裴女尋舊好也太孺
人卜以是年十一月十一日葬公少華山麓祖
塋之次嗚呼公爲關中偉人咸期以公輔然歷
官僅四轉享年僅四十有九何去之忽也然公
文章節槩雖傳千百年猶當赫赫在人則公雖
死猶生矣淳本海濱鄙生甲辰之春荷公首薦
入史館從公後每辱訓迪愧淺衷弱植不克副
公今已矣豈名山之頽哲人之萎數固相符如
古所歎乎敢忘固陋取公遺事論次如右懇惟
大人先生採擇而賜之銘公雖不幸亦可瞑目

矣夫

明故南京國子監祭酒王公墓誌銘

賜進士出身通議大夫

太子賓客吏部左侍郎兼翰林院學士給二品服
安陽郭朴撰

嘉靖乙卯冬十有二月癸卯夜關中地大震山
摧川溢城郭廬舍傾毀人民壓而死者過半南
京國子祭酒華州王公遭焉時公一子方襁抱
母老且病聞之令人淚漱漱下也先是公在京
聞母疾作驚仆悲憂寢食俱廢上疏

請終養適遷南京國子祭酒遂兼程西馳禱于華山
願以身代比歸母稍愈乃日夜理醫藥治棺襚
弗輟會有地震之變嗚呼傷哉公諱維楨字允
寧號曰槐野其先昌平州人曰伯牙者以進士
任河南憲副左遷華州稅課大使因家焉伯牙
生得得生和和生原原長子曰載號文菴娶劉
氏生公公生而峻嶷十歲能博習古文辭舉業
疎宕爽朗善發經旨弱冠卽有聲三輔間督學
憲臣咸竒之嘉靖辛卯舉于鄉乙未登進士
廷議簡育侍從

上御文華臨試取三十人公名在其中改庶吉士績

學翰林丁酉授檢討

贈父文菴如其官母

封太孺人公幼稟穎質長抱竒志旣列清貫益肆

力學晝則鏤戶夜則燃燭六經群史外尤喜諸

子百家之言含精咀腴擬英蒐異咸發之于詞

海內文人哲士多與交游由是聲名歛起軼駕

流輩矣甲辰分校禮闈取士號多得人乙巳與

重修

會典已酉以九載滿秩晉修撰庚戌再分校禮闈

策士畧曰大同邊垣旣以底績而薊州一路顧有遺謀自今作之西接宣府東抵山海爲邊千二百里使幹濟之臣戮力經營患可少止至秋虜果自薊州入

朝廷採群議特設總督大臣專備遼薊其論益自公發之是年冬典試武舉所進多謀畧才豪之士辛亥晉春坊諭德署南京翰林院事公以留都

王業根本控江海上流宜豫戒不虞每遇縉紳輒談兵馬錢穀會倭奴突入應徽寧太諸郡境人

咸稱公先識甲寅

召還春坊取道省母關中因

請終養吏部移文促赴任乙卯秋典校順天鄉試一
時士類咸以得公衡鑑自慶尋遷官留都而沒
于家距生正德丁卯十一月二日享年四十有
九公始爲諸生喪父哀毀骨立比登仕籍泓蓄
駿發顯貴可立致也顧以痛父不逮養每圖順
悅母志邇延家居者前後五六年其孝如此性
素豪邁負氣敢言折節交游中存區畛稱人之
美惟恐弗及面折人過若無所容衆遂謂公善

抑揚人公自謂真弗變也至剖疑決難雖非已
職必毅然任之且博學彊記論事慷慨指顧揮
霍廣譬曲諭多中肯綮諸公亦以此偉其爲人
平居好觀今昔名賢經畧凡關隘阨塞備禦曲
折能歷指陳其詳此其志槩豈謗謏拘拘者比
哉

內閣諸公雅愛公文亟稱其有異才嘗薦于

上謂可大用丙辰秋

上指公名問今安在時已沒數月矣公優游詞苑積
二十餘年訖不當任然志在經世時托之著述

遺文若干卷宗伯季泉孫公敘次而傳之公凡
兩娶俱

封孺人先東氏車駕郎中魯女生二男子早夭繼
郭氏安陽丞從禮女生二女子其嗣子曰京闈
者側室宋氏出也卜以丁巳十一月十一日葬
于郡城南原之兆先期走使

京師謁翰林侍讀瞿君狀公行屬朴爲銘朴與公
同舉進士又同官詞林最久銘也焉敢以不文

辭銘曰

抱穎握竒才且彊只蜚英耀彩厥蘊章只鸞鸞

高翔驛駟驤只梗柵可材棟明堂只胡爲一夕
忽殞亡只數與變會匪厥殃只華原瞰河倚崇
岡只佳城鬱鬱檜松蒼只往安爾室萬年藏只

槐野先生存笥稿附錄

書槐野先生存笥稿後

徃聞先君言與外舅槐野先生交也余小子能述焉嘉靖初有戚給事者于役道渭上見先君異之攜至華下館城南僧舍中試以文時先生為孝廉方下帷僧舍已錚錚擅

名關輔且伉厲不可一世乃
從傍睇先君文心竊竒之即
其家為具鷄黍甚備酒間握
先君手謂曰子吾畏友也願
定交焉先君率方志學遜先
生十齡亡何先生簪筆玉堂
先君尋薦鄉書先君為文窮

理窟耻勦說數不利于春官
先生惓惓務相砥礪壹當作
者先生有息女方襁褓即紹
介先君願請倩若子以聯好
後先君讀中祕書先生在留
院貽書先君令抑之使廩勿
守漢魏軌轍以乘時好見載

集中乃先君以制歸而先生
移官南雍便道歸省殞于家
其著述幾為人匿先君即帳
中大索之亡所失攜入都文
恪孫公序而傳焉其時散在
四方者不盡出後不肖廁門
楣先君一日謂余曰司成公

逸稿爾盍圖焉不肖唯唯遂
遍咨姻舊得逸者十之三四
未及論次會仲氏官棘津為
好事者索以鋟梓草雜不厭
衆心疇為先生忠臣者最後
復得逸者若干首遂合先後
諸刻分類正譌勒成一編項

存言類
直指黃公按陝以西且謂我
明文章自北地左輔繼起海內
操觚之士莫敢鴈行進今北
地集歷

三朝關中始一殺青安可令左
輔集竟成草草遂檄邑侯王
君付之剗劂夫以先生集隄

五十季遇直指公而後稱完
書邑侯又兢兢殫力斯役九
京知己不負苦心若直指公
者不唯雅重文獻儻所謂知
人善任者矣余不文僭述先
生于先君交游之深洎斯集
傳播始末以寄今昔之感若

先生人品在本傳詩文評隲
在諸名公序中余曷能贊一
詞南師仲曰徃余在京師得
侍大宗伯臨武曾公教曾公
之言曰左輔著述前無古人
宋以下何論焉韓柳搆撰覺
尚疎莽誠詞壇絕調矣曾公

嚮往如斯當時已諾為序闡
作者之志詎意別不隄歲乃
繼左輔以修文也眇論猶在
追想慨然輒為附載若此

萬曆丙午端易日

賜同進士出身翰林院

國史檢討徵仕郎直

起居注編纂六曹章奏館甥渭
上南師仲謹撰

鄂中後學王廷詔書